



**OPĆI KOMITET ZA EKONOMSKE POSLOVE PARLAMENTARNE
DIMENZIJE CENTRALNOEVROPSKE INICIJATIVE
Prag, 11. i 12. juni 2008. godine**

REZOLUCIJA

Sastanak Općeg komiteta Parlamentarne dimenzije Centralnoevropske inicijative o “Budućnosti nuklearne energije u Evropi” održan je 11. i 12. juna u Pragu. Sastankom je predsjedavao Bogdan Pascu, predsjedavajući Općeg komiteta za ekonomske poslove. Tema sastanka izabrana je nakon sastanka Općeg komiteta za ekonomske poslove održanog u Minsku, 6. juna 2007. godine, te diskusije o programu Komiteta održanom u Sofiji, od 20. do 22. novembra 2007. godine.

Sastanku su prisustvovali članovi nacionalnih delegacija koji predstavljaju parlamente: Austrije, Bjelorusije, Bosne i Hercegovine, Hrvatske, Češke Republike, Rumunije, Slovačke i Ukrajine (Mađarska je bila predstavljena na nivou sekretara). Sastanku je također prisustvovao generalni sekretar Izvršnog sekretarijata CEI.

Na sastanku su govorili: gosp. Premysl Sobotka, predsjednik Senata Republike Češke, gosp. Tomáš Huner, zamjenik ministra industrije i trgovine Češke Republike, gosp. Petr Krs, zamjenik šefa Odjela za upravljanje i tehničku podršku češkog Državnog ureda za nuklearnu sigurnost, gosp. Vladimír Hlavinka, član Upravnog odbora i šef proizvodnje ČEZ-a (Češka energetska kompanija), gosp. Lubor Žežula, projektni menadžer u Odjelu za nuklearnu sigurnost Instituta za nuklearno istraživanje Rež plc.

Opći komitet za ekonomske poslove PDCEI:

- U potpunosti je svjestan rastuće potrebe za energijom s ciljem daljnjeg ekonomskog razvoja zemalja Centralnoevropske inicijative. Rast BDP-a je uopće usko povezan s većom potrošnjom energije. Odgovorni političari treba da budu u mogućnosti da predvide rastuću potrebu za energijom kao i da osiguraju njenu proizvodnju iz realnih i po okoliš povoljnih izvora.
- Ne precjenjuje potencijal obnovljivih izvora i svjestan je smanjenja rezervi fosilnog goriva. Ne treba se osloniti ni na uvoz energije ni na pronalazak novih čudotvornih izvora energije. Stoga je neophodno da se nuklearna energija koja ima pozitivan učinak na okoliš i diverzifikaciju snabdjevača energijom ugradi u “energetski miks”.
- Priznaje pravo svim državama da razvijaju u miroljubive svrhe nuklearnu energiju u skladu s Ugovorom o nuklearnoj neproliferaciji.
- Poziva države članice CEI da informiraju javnost o proizvodnji nuklearne energije kao i o sigurnosti nuklearnih elektrana na osnovu tehničkih argumenata, naučnih saznanja, u kontekstu cjelokupne energetske politike i uključujući iskustvo iz nesreće u Černobilu.
- Podstiče zemlje članice CEI da pruže podršku obrazovanju i obučavanju stručnjaka za nuklearnu energiju i predlaže da razmotre mogućnost

uspostavljanja posebnog fonda za obučavanje osoblja nuklearnih elektrana. Zbog hitnosti problema, Opći komitet za ekonomske poslove predlaže organiziranje stručne konferencije o razvoju, izgradnji i sigurnosti nuklearnih elektrana.

- Priznajući da su ozračeno gorivo, njegova potencijalna upotreba i odlaganje kao i moguća proliferacija pitanja koja izazivaju veliku zabrinutost, poziva zemlje članice CEI da se uključe u zajedničku diskusiju kako bi pronašli optimalna rješenja i promovirali najviše standarde nuklearne sigurnosti.
- Predlaže zemljama koje nisu članice EU da uspostave bliže odnose s EU u oblasti nuklearne energije

Usvojeno jednoglasno u Pragu, 11. juna 2008. godine

Bogdan Pascu

Predsjedavajući Općeg komiteta za
ekonomske poslove